

The coronavirus matter wey don dey cause wahala everywhere first enter Naija on 27 February and e start for Lagos state. The tin cause many many fake news wey make NCDC and Federal Ministry of Health dem begin try calm pipo down, try make the sickness no spread. All of us need join hand make sure say we knack this virus correct apako so make we dey talk only news wey we don confam say na true; and make we dey do the ones wey go make the virus fear to near our domot.

The Coronavirus CivActs Campaign (CCC) dey gather different rumour and tori wey Naija pipo dey talk for different states make we help ordinary pipo understand wetin dey happen; so that beta information go dey flow well well for government, media, NGO and even the citizens dem. Once we talk the real gbege of wetin dey happen, all dem fake news go stop to dey spread before they cause more wahala for our country pipo. You know say no be all of us get the same language and no be everybody sabi this English well well so we need this CCC make everybody understand wetin dey happen so that we go finally throwway this bad sickness comot for our country.

Coronavirus na serious threat to Naija pipo -- wey be over 180 million – because the healthcare system weak, the pipo dey very poor, the living conditions no good and the Government too dey corrupt. Economic and insecurity conditions for Naija dey bad before this coronavirus kasala burst, and Naija dey already score fail for health parameters; pipo too dey die and life expectancy dey poor. When and if coronavirus enter communities wey get high population for Naija, kasala go burst.

E dey important make Naija handle this pandemic in a way wey dey progressive and transparent, to ensure the well-being of citizens, build resilience and prevent any social conflict wey fit happen sharp sharp. This na huge challenge for Naija, but na also opportunity to renovate public health systems, improve relationship between Naija pipo and those who dey in power, and improve governance.

## Lockdown tori don change again

Presidential Task Force for COVID-19 announce on 26 January sey the phase 3 lockdown rules go continue for anoda one full month (four weeks). Dem talk say na because cases of coronavirus for Nigeria don dey increase even as phase 3 of the lockdown don expire. See the lockdown rules wey we go continue to dey use so:

### A) Nationwide curfew don shift to 12AM – 4AM daily



### B) Public area and Hospitals

Na the rules wey dey compulsory for public areas be dis:



1. To dey use face masks



2. Temperature checks



3. Place to wash hand need dey together with hand sanitizers



4. Physical distancing of at least 2 metres need dey



5. No gathering of more than 50 pipo



6. Hospital visit now na for only the immediate family of the patients

## C) Travel



1. Leave travel way no dey important



2. Flights don resume



3. Dey go airport early if you wan travel to avoid delay

## D) Schools and NYSC



1. All schools to reopen in small by small



2. Government go check the yawa way fit dey and put eye for schools to make sure say dey follow guidelines



3. NYSC camps go reopen with guidelines and safety measures in place

## E) Markets and Restaurants



1. No mask, no entry. No mask, no service.



2. No more restriction for days you fit open or how many pipo fit dey your store



3. Restaurants fit open for outdoor service only

## F) Places of worship



1. Restricted opening go dey as your state government don talk am.



2. Multiple services dey important make building no full once.

## G) Government Offices



1. Operate normal time



2. All staff go resume work, staff below GL 12 fit dey do alternate-day attendance.



3. Heads of Ministries and agencies go decide the office capacity way dey safe for them staff.

## H) Private Offices



1. Maintain normal time.



2. Decide office capacity way safe pass.



3. Follow the compulsory safety measures.

## I) Exercise and Entertainment




1. Restriction don comot for contact sports.




2. Use of parks for physical activities don dey permitted.



3. Sporting leagues fit resume for stadiums without them fans inside stadium



4. Event centers with outdoor space fit open.



5. Gyms and cinemas fit open at half capacity.




6. Hotels go remain open and make dem dey observe compulsory safety measures.

## J) Elections



1.No mask, no voting.

## K) Bars and Clubs



1.Go still dey closed.

### YEYE TORI



COVID-19 vaccine fit give you COVID-19 sickness

I don get COVID-19 already, I no need take the vaccine again

COVID-19 vaccine fit change my DNA

Once they vaccinate me, e mean say I no fit spread COVID-19 again

COVID-19 vaccine go protect me against coronavirus for life

### VS



### TRUE TORI

COVID-19 vaccines no fit give you COVID-19. E no matter which vaccine e be, none of dem get the live virus inside. Any side effects wey pesin dey show after vaccination like headache and fever na because of immune response, no be infection cause am.


CDC talk say, because of the seriousness of the COVID-19 sickness, and because pesin wey get am fit go catch am again, you still need take the vaccine even if you don catch COVID before.

COVID-19 vaccines na wetin dem dey call mRNA vaccines and dey no dey affect your DNA at all at all. The mRNA from COVID-19 vaccine no dey even near wey DNA dey for the cells in your body.

Dem design COVID-19 vaccine so dat pipo no go fall sick even when dey catch COVID. But e no mean say pesin wey don catch the virus no fit still spread am o.

WHO talk say e still dey too early to know whether the vaccine go protect you for many years.

## Weekly COVID-19 case count in Nigeria (Nov 2020 – Jan 2021)



### COVID-19 cases for Nigeria don dey rise

For late November and early December of 2020, NCDC bin discover say COVID-19 cases bin dey increase for the country. Dem talk say na because one new strain of the virus don show wey dem dey call the B117 strain of coronavirus, wey dem first discover for England. This new strain of virus na mutated version wey dey spread faster than the one of before. England prime minister Boris Johnson even talk say this one dey spread pass the former one by up to 70%

One new strain of coronavirus wey dem catch for South Africa wey dem dey call the 501Y.V2 variant dey cause many infections for South Africa and other countries for that area. Dem don find am for Botswana, Ghana, Kenya, Comoros, Zambia and 24 non-African nations. Novavax company don create one new vaccine wey dem talk say dey 85% effective against this new strain of COVID-19 wey dem find for England, but no dey even up to 50% effective against the one wey dey worry for South Africa.